

時則宜暑高新土未實故也如此則將來雖有傾圮之處而土基已厚修補亦
易況正當開河之後河旁土積如山尤屬最便是日增至於有關水利則惟多
增水竇為最要急此非但東南利害所關亦此塘安危之所係也夫太湖之水
北受荆溪宣歙蕪湖溧陽溧水數郡之水南受天目富陽杭州諸山諸溪之水
其東注之道自平望以北寶帶橋以南皆其下流也石塘橫絕於中惟大港數
處為橋以通之當時洩水之竇連比相接今皆廢沒夫以四州之水東西千里
南北五百餘里奔騰東注而洩水之橋不過數十處能勿阻水勢乎所以塘之
左右水勢高下懸殊加以西風鼓盪水有來而無去不但田塘亦衝壞理必
然也若平望以南之水則從臨安湖州而來皆發源於天目由若溪爛溪雪溪
而下積雨之後山水驟發其水阻於塘之西高於塘上流其勢方退而田已遭浸
雖小舟亦不能上山水勢愈積必過出塘岸水從塘上流其勢方退而田已遭浸
矣此少洩水竇之故也故宋元祐初蘇文忠公上單子發吳中水利書以塘為
扼塞江路欲盡徹塘而改為千橋雖不果行而無千橋之費又變通之良策也水
不賞莫若多增洩水之竇則有千橋之利而無千橋之費又變通之良策也水
性既順則衝激無力塘得永固此不待智者而知也惟驚脰等湖雖易大石開
通淺竇而水勢湍激猶未能永久必有副石焉副石者於塘岸之外又加石一
層不必與塘平止及塘之半則根基益堅厚前明周文襄公築圩之法所謂攬
浪者也然惟當大湖之衝水激之處用之多不過十里亦易為力惟改用土塘
之說上臺未悉其故以為原估請帑俱用石塘今乃半用土塘或以改易舊跡
為非者此則當細審地勢斟酌盡善繪圖詳悉冀得允行則既省國帑又能歷
久而易於修築庶於國計民力兩有所益矣先是督修官以水竇本涸不通
欲盡行填塞以省工費知縣陳兆翱閱條陳以為然力持其說水竇得俱修不
廢

吳江縣志

卷四十三

修塘

二十七

卷之四十四

經略四

均田蕩賦役

舊吳江田蕩賦役之法數已各詳於本篇其中有均者有不均者有求均而未得
均者皆各有其故而所列事與說未盡故更為此篇補其闕略而清汰諸條附焉
宋紹興六年知平江府章誼言民所甚苦者催科無法稅役不均彊宗巨室阡陌
相望而多無稅之田使下戶為之破產乞委通判一員均平賦役會召為戶部尚
書其行否無考本宋史食貨志參
姑蘇志下一條同
十二年左司員外郎李椿年言經界不正十害且言平江歲入昔七十萬有奇今
按籍雖三十萬斛然實入纔二十萬耳詢之士人皆欺隱也望考按覈實自平江
始然後施之天下則經界正而仁政行矣上謂宰執曰椿年之論頗有條理程克
俊曰比年百姓避役正緣經界不正行之乃公私之利以椿年為兩浙路轉運副
使措置經界椿年請先往平江諸縣俟就緒即往諸州要在均平為民除害不增

稅額乃披榛莽量步畝以覈其欺隱時吳江亦在措置中

咸淳初知蘇州府李鏞行推排法以縣統都以都統保選任才富公平者訂田畝稅色載之圖冊使民有定產產有定稅稅有定籍時吳江亦奉行之

本宋史食貨志

元延祐元年行經理田糧法遣平章章閻等往江浙省其法先期揭榜示民限四十日以其家所有田自實於官或以熟爲荒以田爲蕩或隱占逃亡之產或盜官田爲民田指民田爲官田及僧道以田作弊者竝許諸人首告十畝以下其田主及管幹佃戶皆杖七十七二十畝以下加一等一百畝以下一百七以上流竄北邊所隱田沒官郡縣正官不爲查勘致有脫漏者量事論罪重者除名時平江路總管劉允威信素孚人不敢欺昔之詭寄者皆翕然自實又江浙會十八守臣欲槩定田賦允毅然爭曰地有肥磽厥賦宜不齊一旦更改民病何時瘳乎由是得仍舊貫

本元史食貨志姑蘇志

四年吳江田糧經理畢仍以上中下三等分則起科

按元史是役江浙與江西河南同遣官然期限猝迫貪刻用事富民黠吏竝緣

吳江縣志

卷四十四

均田蕩賦役

二十八

爲姦多以無爲有虛具於籍於是人不聊生盜賊竝起仁宗知之明年遂詔免三省自實田租二年時平江總管既有威信而吳江知州高仁尤仁明當不致有姦弊也

縣民執役定里正主首有產去稅存之患劉允建隨產當差之議

見姑蘇志

其行否無

考

延祐至治間平江路州縣役民充里正主首責以催科賠償往往破產或本都堪役調之他都吏寅緣爲姦總管師朶列禿如詔旨先田多上戶盡放下戶從上推排不役於他都民乃便之其在城者曰坊正舊以待闕吏充滿歲補吏其人熟於期會數十年不改或欲以例役民動搖抑配且失業敗事列禿榜諭仍役吏屢肆乃

安

本姑蘇志

元季喪亂版籍多亡田賦無準明太祖卽帝位遣周鑄等一百六十四人覈浙西田

畝定其賦稅

見明史食貨志

吳江縣見墾官民田畝俱丈量分則起科

洪武二十年命國子生武淳等分行州縣隨糧定區區設糧長四人量度田畝方圓次以字號悉書主名及田之丈尺編類爲冊狀如魚鱗號魚鱗圖冊先是詔天下編黃冊以戶爲主詳具舊管新收開除實在之數爲四柱式而魚鱗圖冊以土田爲主諸原阪墳衍下隰沃瘠沙鹵之別畢具魚鱗冊爲經土田之訟質焉黃冊爲緯賦役之法定焉凡質賣田土備書稅糧科則官爲籍記之毋令產去稅存以爲民害

見明史

吳江縣竝遵行之

弘治十一年巡撫都御史侶鍾委訓科沈經勸量本縣坍湖田經呈詞略曰本職看得各都田地今昔坍入湖中者有全圩俱坍有一圩半坍不等年坍年告有前勘已明而糧米豁有前勘已明而未結有前勘未明而尚勘渾亂其中所據糧塘里書人等指點某處水中原無疆界爲準難以爲據况各戶糧虛實多寡止據書手底冊亦多改抹尤難憑信若照各詞勘報不無以虛作有有負選委本職蚤夜細思計有四條可以清查并杜後累一曰先查黃冊以究其根人戶田地畝數俱

吳江縣志

卷四十四

均田蕩賦役

二十九

載黃冊若據冊以查其戶據戶以查其田圩字號則何圩見存何圩已坍自無隱蔽然後將已坍者分別曾勘未勘各該若干度彼不得將未坍之田捏作已坍已勘之田捏作未勘矣二曰次量實田以覈其數今昔坍湖田在水底立標水面疆界難明本職思各戶之田有數查其黃冊旣明卽將見在之田丈該若干則知坍田在水若干查其先勘該若干則知今勘該若干度得真數無影捏之弊三曰通量新漲以攤其糧坍湖告勘年積歲繁以田日坍而愈少糧日陪而愈多也虛糧非經奏請焉得除免切思本縣西有坍湖東有新漲東漲之士卽西坍之田是坍湖者新漲之原額新漲者坍湖之後身非有二也今坍湖之民日苦陪糧貧困愈甚新漲之民日享其利國課不登利害不均莫此爲甚使新漲之田若復陞科則坍湖之陪終無了日不若就將新漲通行丈量驗其高低照依民田則例或一升或三升五升八升盡數以補坍湖之虛稅就入實徵不待十年造冊而後推收不必上司奏請而後開豁誠一舉而兩得矣四曰修復田圩以杜其壞太湖風浪勢

如排山岸遇輒崩日久成浸非人所能禦也又查有等低岸形如鯢裙風趕浪衝反不坍塌因求其故站岸壁立與浪相抗必坍塌斜坡不深隨浪相迎不損為今之計莫若令有田之家各於其站立之處或石塊或瓦屑或煤鐵等灰填滿其處一如斜坡之式略加泥沙或植茭蘆楊柳以殺其奔突之勢則其圍塍未必如往年崩塌之易矣况有水利專官督其工程不甚為難果得舉行萬民幸甚

嘉靖十七年史作八誤顧鼎臣為大學士言蘇松常鎮嘉湖杭七府供輸甲天下而里

胥豪右蠹弊特甚宜將欺隱及坍荒田土一一檢覈改正於是應天巡撫歐陽鐸檢荒田二千餘頃計租十一萬石有奇以所欺隱田糧六萬餘石補之餘請豁免戶部持不下時嘉興知府趙瀛建議田不分官民稅不分等則一切以三斗起徵鐸乃與蘇州知府王儀盡括官民田裒益之履畝清丈定為斗則明年事竣所造

經賦冊以八事定稅糧一曰以原額稽其始本府官民田地若干畝徵米若干石二曰以事

故除其虛除公占田地若干畝不納米鈔蕩若干畝三曰以分項別其異官田地五斗以上不起耗田若干畝一斗以下四斗以上

吳江縣志

卷四十四

均田蕩賦役

二十

加耗田若干畝民田加耗田若干畝坍荒折銀田地若干畝原勘板荒地若干畝告勸納銀積荒蕩若干畝白水蕩若干畝免墾免稅田若干畝夏稅科麥不科糧田地若干畝新漲河塗若干畝坍江四曰以歸總正其實額徵平米若干五曰以坐派起其運戶部坐派本色米若干石折色若若干石該本色米若干石折色銀若干兩馬草若干束小麥若若干石絲絹若干兩六曰以運餘撥其存起運秋糧外該存畱本色若干石支派某項折色若干兩支撥某項七曰以存匹料價若干兩

餘考其積存畱本折二色派餘正數及削併畸零謂之羨餘俱存貯備用八曰以徵一定其額凡金花白銀粗細衙門正耗白糧外加春辦等項省去頭緒止作本色糧米折色白銀兩項派徵又以前事考里甲一曰丁田二曰慶賀三曰祭祀四曰鄉飲五曰科貢六曰郵政七曰公費八曰備用以三事定均徭曰銀差曰力差曰馬差著為定例本明史府志時吳江悉遵其法

知府王儀秋糧八事議曰常年會計奉戶部開坐稅糧馬草起存各衙門本折色數目到府派屬徵運原未立有法程故輕可那重重可那輕姦弊百出莫能查考本府田糧有白粳糯米次等白粳米有糙粳米有白銀有金花有官布田地斗則有七斗以下有六斗以下有五斗以下有四斗以下有三斗以下有二斗以下有

一斗以下內白稷糯米至重金花官布則至輕七斗至重一斗二斗則至輕矣周文襄公立法六斗七斗則納金花官布一斗二斗則納白稷糯米及次等糙糧因田則輕重而爲損益法非不善也但歲久弊生勢家以力取金花姦富以財買金花書手以官田作民田輕則改重則巧於詭寄神於飛走非一人一日所能清理貧寒小民吞聲認重則納本色雖欲告理而勢有未能所以然者緣則數多而歲有推收也近蒙撫院深懲前弊驗糧均攤通算所屬州縣實在秋糧正米并科租科麥隨糧合用耗脚共該本色米若干折色銀若干其白稷糯米次等白稷米糙米頭緒雖多然准米科數則皆謂之本色其白銀金花官布名色雖異然計銀扣派均謂之折色撮煩就簡分爲二項每糧一石驗派本色米若干折色銀若干使人人易知易曉雖神術鬼計莫能增減救弊之法可謂要矣又以白稷米雖可准糙米加算若派人戶亦不免爲弊故通計正耗每白米一石官加糙米二斗令糧長自行春辦既不累及納戶亦不偏累糧運又六斗以上難於摘出另派通於徵一項

吳江縣志

卷四十四

均田蕩賦役

三十一

下作數宜從各縣查照原額扣算一石已派銀二錢一釐不動外其本色米四斗八升收銀一錢四分四釐以縣之餘米補其本色以其折銀之餘作撥剩之積亦不失畫一之意也惟起耗一節各屬田有多寡則有重輕欲從五升加至四斗以次遞減如湖州之法未經奏請猝難以行欲逐項遞加又恐頭緒太多不免仍滋弊端又舊規六斗田全派金花五斗以上同四斗以下田加耗徵納本折則五斗反重而六斗反輕矣又查得嘉靖十五年五升至五斗以上通行加耗太倉州每畝一斗三升七合五勺零長洲縣每畝一斗五升四合零吳縣每畝一斗四升一合九勺零吳江縣每畝一斗四升四合五勺零常熟縣每畝一斗二升八合七勺零崑山縣每畝一斗二升九合四勺零嘉定縣每畝一斗三升三合七勺零事規不一難以查究隨蒙撫院面議除六斗五斗俱免加耗外通算所屬五升以上至四斗田共若干合府該徵耗脚糧共若干計耗扣畝照畝起耗每畝該科耗米一斗二升各州縣田若干各該耗米若干然後以各該正米攤之庶幾輕重得宜事

體適均而法可行矣然又慮夫耗糧與正糧不對主數與客數不合勢難以那移法難以湊補又以各倉口折色之貴賤高下相兼處分重者益之以金花輕等折色輕者加之以公侯祿重等折色餘則先之以包撥夏稅馬草鹽鈔次之以供義馬二役各隨田耗多寡遞減遞增損之益之參伍錯綜務使正耗相對主客相合其官布折價較諸金花彼此相若仍依舊規分派太倉崑山嘉定出產地方蓋因已往之法而救其弊推至虛之心以求其平簡便之利吾民後當見之

見文徵下
三議同

隆慶間給事中徐師曾爲均田均役一議均田議曰什一天下之中正也方今田賦輕者一升重者七斗不均孰甚焉夫不均者天下之通患而蘇郡爲甚今姑以我邑言之嘗聞國初有徵石以上者此蓋忿張士誠因其資以抗王師本非定制宣統中巡撫周公忱郡守况公鍾奏減其額故所存自一升以至七斗三升者減額之餘也已而周公又患其不均乃立加耗之法六斗以上悉蠲本色止徵金花銀銀一兩准米四石以常價計之蠲米三斗足矣六斗以下始加耗米本折兼徵後減及五斗直

吳江縣志

卷四十四

均田蕩賦役

三十一

至四斗以上而始加幸矣然自二斗以上四斗以下亦重額也而與五升三升者同加可謂均乎故當時重額之田其直最輕而不能售鬻田者利目前之厚直忘日後之遺艱乃詭稱輕額以求售自是戶有虛糧而逋負益多矣嘉靖中郡守王公儀廉得其弊乃立圩號推收之法各照所業輕重以輸官而照戶推收悉置不論百年之弊一洗特其所立攤耗之法槩以三斗七升六合爲則是謂什而取二自此輕額變重而重額愈重所稱平者獨三升二升上下耳其與幾何夫以公之美意良法而人猶有憾者豈無自哉高下之不分也肥瘠之莫辨也丈量之隱蔽也磨算之挂漏也公占之復除也坍荒之失實也姦戶之無糧也吏胥之藏匿也科麥科租陞科之未入會計也使無是數者則雖攤稅豈至若是之多哉然則如之何而可曰國家以東南爲根本以財賦爲命脈宜特簡進士中老成才幹者一人準知縣資專量田之任履畝計步勿假他手辨其高下肥瘠覈其頃畝尋尺以定徵賦之差事竣則簡稱職者如例徵召授以憲職不稱者罰如是不過數十人假

以三年而江南之田可畢均矣此之不務而徒委諸丞簿日玩月愒吾恐刑罰日繁民生日蹙國計日耗嗚呼誠不知其所終也

均役議曰國朝役制首先論丁見於洪武四年詔令者可考也厥後兼論丁糧然未聞專論糧也邇來有司不原祖制凡遇僉役專視田之多寡以爲差殊不知田不足憑者有六富民以餘田竄入仕籍是謂詭寄一也捏丁裝田至託女戶是謂花分二也產已易主尚存故籍三也田多磽瘠求售不能四也商賈逐末終身無役五也典質規息役之無由六也他如胥史爲姦則披籍取人不以一邑計多寡而以一號計不以一號計多寡而以一區計不以一區計多寡而以一扇一圖計者往往有之則夫以多寡論貧富何可得也國初不問京朝官竝免全戶外官雖以品秩爲差所免亦多由是詭寄之弊出嘉靖中輔臣桂公萼請照内外品秩量免丁糧江南糧重所免最少官不自庇豈能庇人由是花分之弊滋二弊者勢若持衡然此重則彼輕不兩立也愚以爲國初之制太寬而桂公之制太嚴古者既

吳江縣志

卷四十四

均田蕩賦役

三十三

有官祿又有圭田卽庶人在官其祿亦視農夫以爲差宋朝待士尚有祠祿況於口食而可役之乎且桂公之議施諸他省猶可若我江南則京官一品僅免田五十三畝有奇下迨九品則十畝有奇耳時都御史歐陽公必進巡撫江南亦以其難行也議糧一石准田十畝則京官一品免田二頃九品四十畝耳夫今之四十畝有奇卽古之百畝也古者一夫百畝其人可食九人又有餘夫自食其力今九品之家父母妻子以及薪水之丁大約倍於九人既供稅糧復充里役已異乎古矣乃自百畝以下至四十畝又僉雜徭使之呼名應役非所以體羣臣也愚以爲今官戶免役縱不能盡如祖制亦宜稍寬其限而必嚴詭寄之罰民田不惟不容詭寄尤宜并籍其數而必杜花分之姦如慮二弊未易搜剔則當并委量田進士於履畝之時密詢主名而錯記之曰某都某圖某圩某坵田若干係某都某圖某甲某人產事竣攢合爲一不任親供不假里書於祛弊也何有此外又合三年一會計則無易主存籍之田磽瘠旣辨明則無貧富混穀之弊若乃商賈典質不務

本業則如長洲吳縣之法貲二百兩准田一頃槩令供役以寓抑末之意夫然後田之多寡足憑而役無不均矣

萬曆間巡撫都御史清覈蘇松錢糧進士袁黃上賦役議豪猾以不便已爲浮言眩當事沮格不行其議曰大凡因事立法勢無全利周文襄王肅齋所立之法豈不稱善行之未幾弊遂叢生此非二公罪也勢也易曰窮則變變則通因已往而通其窮策將來而杜其弊可無變哉然今日立法之難又有甚於周王二公時者夫使民間有財可斂卽如文襄增民田之耗以補官可也又如肅齋增輕則之糧以平重則可也今民貧極矣逋負日繁逃亡轉衆野無上戶之農市無中人之產何以應上之求哉於上下兩難之中求權宜救恤之策謹條爲數事以請

一曰清賦役以免混派隆慶元年應天巡撫林題稱蘇州等府嘉靖十七年以後加派數多乞遵嘉靖初年舊額派徵戶部覆稱本部卷查坐派各省稅糧自國初至今俱有定額以夏稅秋糧馬草爲正賦其餘各項雜派銀兩等役另立欸項或

吳江縣志

卷四十四

均田蕩賦役

三十四

照地科或計丁派或編入均徭或取足里甲原與稅糧馬草正額無干惟是蘇州等府不分正賦雜派皆混入糧內徵收名曰平米雜派多則正額反累合咨應天巡撫將各項錢糧不拘起存逐一清查每府夏稅小麥秋糧米正賦若干何者爲舊額何者爲新增送部裁定施行得旨報可是賦役之不可混戶部蓋諄復言之矣然總書侵漁之弊全在混派如今年增賦若干人問之則曰某項雜派加添也如雜科中某項忽增人問之則曰某時奉文加派也指東畫西莫可致詰當時撫按諸公亦屢行清理賦則刻賦書役則刻役書各有成額不許相混然姦頑總書乃於賦書中陰竄諸役於內如遠驛馬役如義役料價如驛遞水夫等皆役也而指之爲賦且又指爲肅齋王公所定不敢動移當時本邑生員李瓚著論非之謂書冊有僞本非虛語也撫按皆稱十七年以後增派錢糧數多求改於朝而不悟書算諸姦私增之弊失之於私而索之於公宜朝命屢下而屢閣不遵也今請悉遵國家成法止以夏稅秋糧馬草爲正賦通各州

縣計之太倉州原定每畝二斗八升推除役派今止該二斗五升長洲縣原定每畝三斗七升五合今止該三斗二升吳縣原定每畝三斗四升四合今止該三斗吳江縣原定三斗七升六合今止該三斗二升常熟縣原定三斗一升八合今止該二斗八升崑山縣原定三斗三升五合今止該二斗九升嘉定縣原定三斗今止該二斗七升已自足上供之數矣其餘謙薄田蕩凡係輕科者不必議增即使田果高腴而賦有未盡亦不害爲藏富於民也至於雜辦錢糧照丁科派最爲便利請更陳之

二曰清加派以杜影射諸稅有額辦有坐辦皆供內府及各部者歲有定額原無加派卽稍盈縮不甚相遠惟雜辦一項乃府縣所頒其數頗浮於舊亦事有不可已而勢不得不增者但各省俱照丁田均派蘇松等府則照平米起科夫不照田而照糧則糧重者其徵益重糧輕者其徵益輕豈任土制貢之法哉况平米一石耗居其半照糧起稅已甚不堪今又不照正糧而照平米則耗米亦作正米一例

吳江縣志

卷四十四

均田蕩賦役

三十五

科算矣耗之重者無如蘇州宜其重困而難支也且旣照平米驗派宜爲畫一之法某項料價若干平米一石驗派若干某縣應派若干使人人周知永永可守今則不然或一項而重派兩縣或數項而獨坐一縣或分派各縣而此重彼輕或名爲均派而此無彼有任意分攤不可究詰本府平米二百四十七萬八千一百七十一石有奇查貼役冊內坐派甲丁二庫銀硃等料二千二百六十二兩六分五釐每石驗法照派九毫一絲二忽則吳江止該派銀三百九十九兩五錢一分一毫今多派銀四百五十一兩三錢九釐九毫又本色蠟茶料銀供用庫坐派黃蠟二千六百斤每斤價銀二錢該銀五百二十兩芽茶二千斤每斤價銀八分該銀一百六十兩葉茶一千二百斤每斤價銀二分該銀二十二兩此奉部帖定價原無鋪墊者又折色黃蠟五千九百八斤一十三兩該銀一千一百八十一兩七錢六分二釐五毫共本折料價一千八百八十三兩七錢六分二釐五毫每石驗派銀七毫二絲止該銀三百十五兩零今查會計內多派銀四十四兩零何得又行

重派折色料銀一百三十一兩二錢九分乎按各項料銀朝廷坐辦各有定額數目宜明驗派宜均何得此輕而彼重又何得一項而兩派乎請將通府料役計田均派每畝該銀若干顯然易見今日平米一石派銀若干卽諳事者亦或未能了了也蘇州一府義役料銀混派七萬餘兩有派至八萬兩者然據隆慶二年會計不過一萬九千餘兩而已此實數也遠驛馬價例當請免水夫工食并均徭里甲算之又用銀十二萬餘兩連前共銀十三萬餘兩查本府人丁共二百一萬一千有奇每丁派銀六分有奇足辦此矣今丁口銀徵納如故也吏胥東西影射陰陽乾沒之何不明取以充雜辦丁銀稍增民不甚厲而田賦大減則蒙惠多矣

三曰修實政以省兵餉蘇松沿海原設金山太倉鎮海諸衛各有哨船絡繹巡視世廟倭警復於額外募兵禦之原設諸衛軍則移之守城蓋國家之法臨陣損官軍三名以上卽論爲失機而所募民兵雖損數萬可隱不報法所不得加也故用兵者樂用募兵不樂用衛軍平時盡民之力以養軍有事又募民爲兵以衛軍識

吳江縣志

卷四十四

均田蕩賦役

二十六

者深憾焉夫募兵不難銷之爲難倭患旣平而海上增設之兵不減歲歲有倭之費是歲歲受倭難無窮也竊謂沿海諸衛舊每衛設軍一萬二十名今每衛不過一千三四百人所耗者不啻十分之八軍儲不減何耶不惟不減且屢告匱焉不惟告匱茲且歲增曷故哉皆由衛官隱其虛耗每以印信文書冒支侵匿動以萬計府縣胥吏通同分用官往查盤亦止據其印信爲實不知衛官肆爲侵冒雖死且不避何印信之足信乎稽查之要惟在得其官軍實數見任差操守城老幼各若干名總算一年應得糧若干復查其屯田子粒該糧若干計蘇州衛屯糧四萬二千三百八十六石四斗四合六勺已自足供軍食矣倘有不足則當清理屯田不得以民糧補之此省餉之第一策也又修復祖制使諸軍巡視預習海戰遇一兵之缺補以本衛所之軍餘乘一官之去補以本衛所之武職彼自食其本等月糧爲國家防守信地庶不失當時設立衛所本意遇春汛亦照例量加工食以鼓其效用之心則兵與官之數未嘗缺而兵可漸銷此省餉之第二策也舊募兵皆

勅卒今則市井游子以銀十餘兩買充之糜有盡之民脂養無用之疲卒甚無謂也請凡遇水陸兵缺先儘補衛軍衛軍盡則將各縣民壯補之蓋民壯之設原以守禦地方今徒供差使祇益耗蠹若擇其精者以補缺伍而稍汰其冗者此省餉之第三策也海上兵士類多虛名間遇查點卽雇人湊數其見在者又率多疲弱蓋因兵餉皆棍徒冒支實給不過十分之四故惟疲弱之民不得已而應之脫令有警何以應敵請先委本府海防官會同統兵官嚴行簡閱遵初制力舉三百斤以上者方與入選再委府縣賢能正官出不意徑至海口或江中隨其舟之所有稽其兵之實數此省餉之第四策也古者師老不息必議屯田今沿海沿江新漲塗田多被豪民佔踞遣官丈量分兵屯糧每畝量起租二三斗給民充餉每兵授田百畝每畝二斗卽有米二十石矣其未經開墾者盡數分撥附近之兵且屯且守此省餉之第五策也五策者行其一皆足救目前之急矣

四曰查派剩以杜加賦考戶部會計額派蘇州秋糧二百三萬八千八百九十四

吳江縣志

卷四十四

均田蕩賦役

二十七

石七斗四升二合二勺除各項起徵外徵不盡者名曰派剩每石折銀七錢解宗人府常年爲緩徵之額凡坍荒賠糧者卽以此項補之多不起解萬曆八年察院林題作本府河工催徵甚急而辦納不前以田荒無措也今德府涇府汝府景府潞府及各位公主祿米歲歲增坐皆就派剩米撥湊每白祿米一石輒費民間米四石有奇故本府之田土不加於前而稅糧日重皆此派剩之說爲之崇也竊謂額糧而徵有未盡謂之派剩可耳今本部額派二百三萬而本府已坐派二百四十七萬有奇矣額外賠米四十三萬石而猶執稱派剩歲歲加徵民何堪哉衆謂主計者惟算正米不算耗米故有餘剩其實不然國初舊制內府白糧一石准加耗米一斗今尚仍之國初定鼎金陵輸納近便故耗米一斗已足今轉運北京勞苦百倍而乃反不算耗耶如謂耗米不當計則官折白糧每石派銀一兩或一兩一錢正包耗在內也徵銀則計耗而多折徵米則除耗而少算豈通論乎又如漕糧六十五萬五千石每石加耗四斗共二十六萬二

千石此每歲題報該部所知烏得視爲無名之稅竟不計作實數耶又正統十一年奉旨朝廷合用顏料百姓買辦艱難今後於存留糧內照依彼處時值從公估計折徵故本府料價原撥存留餘積本色米一萬九百七十石二斗四升六勺九抄七撮五圭及折色銀九千二百七十三兩七錢買辦但當時失於報部未除派剩之數今日又爲差派數多存留俱盡不得不額外斂民上虛國恩下貽民禍伏乞明開本府見徵之數申達該部除豁派剩名色與其派爲緩徵而令百姓自捐之孰若使恩出朝廷而在上捐之爲當也

按吳江縣宗人府派剩米折銀嘉靖間一千四百六十一兩萬曆末五千七百八十五兩總爲緩徵之項其後賦役書派剩之名猶存而緩徵之例不復知矣

五日免協濟以恤繁重本府編派北京會同館上馬二匹每匹銀四十五兩南京會同館上馬四匹每匹銀四十二兩中馬五匹每匹銀三十八兩下馬四匹每匹銀三十五兩二錢三分共銀五百八十九兩三錢二分又派山東北直隸及江北等三十七驛上馬二百三十七匹每匹銀四十二兩中馬一百五十三匹每匹銀

吳江縣志

卷四十四

均田蕩賦役

三十八

三十八兩下馬一百五十一匹每匹銀三十五兩共該銀二萬一千一百二兩八錢三分按大明會典洪武十六年僉蘇松嘉湖四府民占田四十頃之上者出上馬一匹三十頃之上出中馬一匹二十頃之上出下馬一匹永樂二年復僉江西八府民充馬戶每糧五百石出上馬一匹有富民則僉無則止未嘗限數又未嘗累及貧民亦經久可行之法也成化元年奏准南北直隸山東等處各驛馬夫俱於本地相應人戶內僉充免其賦役其南方糧僉夫役悉與開除自是以來蘇松嘉湖等處更無馬役矣嘉靖以來北地因荒告攀遂復移文僉派不問貧富一例出銀名爲協濟夫使南方民力有餘卽代北方出馬有何不可今賦重極矣復於正賦之外重編此役民不能支則年年負欠負欠既久往往對支燕齊之人跋涉數千里以索數金之貼價卽得不償失况來索者皆流民棍徒於養馬馬戶無與也無益於北而有損於南乞照成化年間所題事例悉行蠲免而北地馬匹就近編充遵祖制免其糧役不然太僕寺馬價原係山東直隸等府所納者扣數量留

以濟各驛之用未爲不可也

賦役新書

萬曆四十五年七月知縣霍維華清查通縣田蕩分九則定賦至明年十月事竣乃列十八款申詳院道本府皆經久碩畫今刪取其要曰國家賦額莫重於蘇州而斗則之重莫甚於吳江前巡撫周文襄公太守况君既力爲清汰嘉靖中巡撫歐陽公太守王君復均其偏枯其功與文襄竝但王君均糧時除原係佃糧輕則外餘田槩取平於三斗七升六合其肥瘠高下未及細分有實係低窪瘠薄而一槩徵糧者後百姓不堪陸續告減奈有司不能逐畝遍勘有力者得冒濫無力者仍復逃亡又新漲田皆強有力者攘之其糧或斗或升任其自佃且有糧止一畝而實據二三畝者雖知縣馮任嘗奉巡撫徐某檄查得清出田一百五十頃然當時止憑各役紙上增加有本圩竝無分毫而虛掛數十畝者實未履畝清丈所擬糧仍無從追納而衝坍田之錢糧束於賦額不能豁免窮民歷年包賠於是不避勞怨躬行親勘凡全縣新舊田蕩一體履畝清丈逐坵定則但據現在之廣狹肥

吳江縣志

卷四十四

均田蕩賦役

二十九

礪不拘原額之多寡輕重清浮漲豁衝坍除全額科田爲上上則每畝得額三斗六升六勺六撮九圭其餘不等田蕩量分八則定賦而從前肥田輕糧有田無糧之弊瘠田重糧無田有糧之累悉除今事已告竣謹將所行文量條款及應入會計事宜開具於後伏乞裁示以憑刊冊永久遵行

一查田根以定主宰本縣魚鱗細冊被焚已久今止存各號拖圩草冊以其散數較之經賦冊及賦役全書總額可以得本縣當糧實數但三十八年所增浮漲多虛以經賦冊爲主而參以全書拖圩冊自可顯明查經賦冊本縣原額田地蕩濃三畝三分五釐二毫查賦役全書及拖圩冊田蕩總額較經賦冊已增一百九十頃有奇而新得糧祇議抵金花滴珠銀三百九十兩且并此亦從無完納蓋所增田數原未實經丈量故所今按圩清查除四面不臨湖蕩田畝竝無增減覆丈步加銀額亦難力爲追徵也

口與舊數不爽者照依繪圖造冊外其有浮漲若干衝坍若干漲者從某坵生出坵者從某坵洗入竝據形勢而量步口度幾確實可據今實丈得田蕩比賦役拖

餘頃比經賦冊實在數多三百五十餘頃

一約斗則以省淆亂本縣除科田外不等田蕩舊額自三斗而下一升而上凡三十七則又兼告減一等二等極田次田等則不惟田蕩原無用此多則而筭數編派之際難以稽查百姓極易眩惑今除一則科田爲上上一則自上中至下下凡八則上中者當糧三斗上下者當糧二斗五升中上者當糧二斗中中者當糧一斗五升中下者當糧一斗下上者當糧七升下中者當糧五升下下者當糧三升至下中不可以言田矣下下乃水中之茭菱也九則旣明糧額一體度愚夫愚婦可以共曉

其實文得各則田蕩數詳田蕩篇

一清浮漲以均偏枯本縣糧額固極重加以練兵貼役新增兵餉諸項每畝溢至四斗外卽一槩無弊民已難堪乃又有膏腴而係新漲者獨處其輕大戶有力者據焉細戶貧民安能無不均之歎今清丈浮漲田凡高阜沃饒與原科田無異者卽定爲上上則與原科田一體當糧共一百一十頃有奇其餘不及科田及再低窪者亦酌量分別註爲八則新丈出田得糧一萬八百餘石補過衝坍田糧實得浮出糧一萬餘石庶偏枯旣均而通計全縣

吳江縣志

卷四十四

均田蕩賦役

四十

糧額科田亦得每畝減一升五合有奇矣

一除衝坍以免包賠本縣田蕩每多衝坍自幾分幾畝至幾十畝及一圩全坍者糧里百姓歷年包賠錢糧無由豁除殊可憐憫今查通縣衝坍田蕩槩與開除

衝坍

田一千七百四十二畝四分蕩一千五百三十三畝三分八釐四毫共除糧八百八十九石八斗有奇

在新漲田糧內抵補以免包

賠之累

一查減荒以均實惠本縣田低而糧重如四患區及零圩有極窪下者實不能辦故百姓歷年告減先後減過田四百二十四頃有奇減過糧七千二百餘石折銀三千六百餘兩編入末限緩徵但未經履畝親勘姦民從而作弊減者不荒荒者不減國額虧而民不沾實惠今細勘告減田內有原係高阜者卽註明照舊當糧其餘應減者亦量高下分斗則稍低者卽少減極低者卽多減若果低荒而從前無力告減者亦與盡數勘明遞減

凡應減荒田四百三十頃二十畝實存緩徵糧六千九百八十五石有奇

則減額不

加多而百姓得在在沾其實惠矣

一截派剩以杜侵尅本縣糧額共四十三萬八千五百石除本色每石徵一石折色每石槩折銀五錢儘足起解存留歲用外尚餘米六千餘石該折銀三千餘兩經賦冊云每石當減米一合一勺銀一分一釐一毫因不便會計照舊編派遂每歲有派剩本折三千餘兩雖係抵充另編練兵銀數但書役借此作姦忽編本色忽編折色已編本色又從而折之而此項遂爲各役享用之常精今查將通縣秋糧本色若干折色若干通縣田蕩若干畝該本色折色若干編派之數止如其起解存留歲用之數而止

查本縣本色起運米一十三萬九千八百四十四石四斗八升二合歲用米六萬九百一十三石一斗八升六合存留米除軍儲改折外止該編恤孤米八百石合之通縣本色米不過二十萬一千五百五十七石六斗六升八合零而已故派剩之米可截也本縣折色起運銀七萬五千七百八十兩三錢一分二釐歲用銀二萬四千九百四十三兩九錢九釐存留銀連軍儲改折銀共一萬四千三十一兩五錢七分一釐合之通縣折色銀不過一十一萬四千七百五十三兩七錢九分零故派剩之銀可截也

派者無所復剩而兵役另項加編不必抵充則那移侵尅之弊杜矣

一畱省存以抵別項夫本色正項中如南京各處之米間有一年水兌或改編別

吳江縣志

卷四十四

均田蕩賦役

四十一

項則夫船耗米貼役三項皆有省存例聽本縣申請支銷但有司不知來歷爲各役所誑則用非所用而省同於不省須於會計中明白註定將該年省存銀若干抵充某項則某項原額照數減編

查各年秋糧會計在先省存有無在後則省存每年皆在漕糧行後發縣可將省存銀抵充今徭里有新增兵餉一欸如本縣該年有省存若干本府卽先帖行本縣抵充卽於徭里會計新增兵餉項下註明秋糧省存銀若干抵充外止編銀若干

如此則前銀一分一毫皆歸實用而省存之惠始歸之民矣

一查寺廟以免冒濫本縣寺廟甚多若槩准免糧百姓無知日增月益將無所底

止今查係國初以來所存寺廟原無糧額者其殿宇仍照舊免徵而不及僧道之

房屋基地

本縣衙門公占及原額寺廟壇基等處無糧者共六頃七十畝有奇

其原係有糧田地起造於近代者一

體徵糧度正額不虧而亦見紕抑左道之大義

一酌斗則以均徭銀本縣科田每畝徵徭銀若干而不同田蕩一槩二畝折一畝夫田蕩業已不等而槩以一等之折算高者猶可而下中下者何以堪之今量照斗則分別折派除上中上下二則去科田不遠不必折算外中上中中二則俱

二畝折一畝中下上下二則俱三畝折一畝中下下二則俱四畝折一畝如此則秋糧既均而徭里亦無甚偏枯矣

查本縣徭里會計除原科田一畝為一畝其餘蕩則共折田一萬一千九百一十八頃三

十畝五分二釐一毫今除上上中上下三則共田一萬一千四百五十九頃二畝六分七釐二毫每二畝折一畝該折田二百二十七頃一十八畝八分三釐六毫中下上下二則蕩三百三十四頃五十畝一分二釐四毫每三畝折一畝該折田一百一十一頃三十五畝四釐一毫中下下二則蕩七百八十一頃九畝八分五釐二毫每四畝折一畝該折田一百九十五頃二十七畝四分六釐三毫通共不等田蕩一萬三千二十八頃七十三畝九分二釐五毫實折熟田一萬一千九百九十三頃二畝六分一釐八毫折算之數雖寬比會計原田反浮田六十八頃七十畝徭里之編可稍減絲毫而不及蕩則尤大受其利

一畧馬路以防不虞本縣城下基地一百畝餘並係浮漲舊槩納糧二斗今皆高阜起

造房屋似應與科田一體陞糧然城下乃係馬路故收入中上則仍令照舊輸賦倘一旦有意外之變度居民聽官府明示自行拆毀不得以歷年當糧為辭而阻撓畱難也

一畧水路以便開濬夫浮漲之處方可種菱栽蘆即人戶告佃有司亦聽之今查

吳江縣志

卷四十四

均田蕩賦役

四十二

無礙水路者槩與分別當糧執業外如長橋上下及三江橋吳家港等處皆係洩

水要路其已成蕩形可以種植者共一百三十畝零盡數還官姑聽原佃人戶採取花利

量納租銀不入正額如開濬之日竟行挑去租戶不得爭執其未成形者不許種

菱栽蘆以致淤塞水路為一縣計永利自不得見目前而忘大計

一畧租銀以抵正項起解銀有漁課一欸每年額徵不過一十三兩有奇且歷來

未嘗完納而通縣漁頭目至三十餘輩逐戶騷擾每船索至幾錢至一兩不等又

有潑橫漁戶藉稱納課將船駕入業戶田蕩中取魚往往壞其菱芡或用鐵網沿

圩採取螺蜆往往壞其圩岸而業戶不敢拒為害更大又有水鄉蕩價一欸係鹽

院項下正額每年四兩九錢五分六釐責里長賠完解交浙江運司苦不可言今

通計長橋等處蕩租及河邊官地民房舊例徵灰土銀以供修理公署之用者可

得三十五兩五錢八分四釐蕩租官地房租細數並見雜稅篇除將銀四兩九錢五分申詳鹽院

抵解蕩價外其餘畱抵漁課正項一十八兩有奇更存剩一十七兩有奇以供本

縣修理衙門倉鋪庫獄土磚棘刺之用蓋木植磚瓦舊皆估價平買惟土磚棘刺則糧里供之今後皆支此項存剩銀買備不許再擾糧里三者皆細事而病民實甚故特爲議處更張之

一照田則以定災傷本縣處三吳下流水災時有然縣官勢不能遍行親勘故實被災者未必受停免之恩不被災者或反得濫及之惠今通縣田蕩皆係職履畝填註高下除下中下下二則原係圩內蘆田及水中芟菱卽畧有水不甚爲害不必議災外若中下下上二則一分災卽當議中上中中二則二分災卽當議上中上下二則三分災卽當議若災至五六分則并上上田及下中下下亦當一體議之矣至被災五六分以上之歲例有題請停蠲曠典不敢逆計若災不及五分之歲縣官卽具實申請院道本府將應議斗則田糧編入末限緩徵一年查全縣上中以下八則田蕩糧不及上上則田糧十分之二自後災年須盡免斗則田而後議及科田科田之中又當先及四患區而後議及他處此法一定度縣官可坐堂皇而定災胥役不得上下其手災民自無不均之歎矣

吳江縣志

卷四十四

均田蕩賦役

四十二

一查荒廢以廣義冢邑本水鄉田產殊貴小民無處安葬者皆火化而投之水良可哀也今查通縣有吳王酒城等處皆係荒廢不毛之地共七十畝盡除糧額立石其上以爲義冢凡遠近居民身故竝許埋葬數雖不多然在上者爲之倡當有慕義而捐田者有司卽給匾獎勵并爲除糧立石招民往葬度貧民無立錐之地者亦得免火化之慘

一造魚鱗以存永久縣無魚鱗冊則各圩之坵段形勢無從稽考小民易於啓爭而官府難於分理且圩甲常有移坵漏坵之弊今照各圩坵段形勢每圩畫圖三本一存縣一付圩甲一流傳見年里長按圖索坵而田之步口斗則了然矣

一造細冊以窮步口夫一圩一形止能填各圩數目至每坵四址步口不能實填猶恐久而易淆故今於丈量時逐坵覆過卽將四址步口謄寫一冊存之縣衙而一縣之田無不在其中矣

一嚴推收以杜酒漏田地止係戶下而不先立根本則推收之日易至混淆轉推

轉收之後則書役爲姦以多爲少以少爲多甚而以有爲無以無爲有及錯亂之極不惟居官者無從稽考并業戶亦不能知其來歷唯就圩先立根簿以戶歸田而後隨戶推收以田歸戶

每圩查丈量底數將田若干畝作一總數後列某都某圖人業若干某都某圖人業若干務期總數相符仍將簿用大紙裝釘分界三層如第一層爲四十七年數第二層爲四十八年數第三層爲四十九年數至五十年方再更一簿業戶不更每年照舊如有更易照數填改此根既清其歸戶之數卽從此推去每年推收之後取田根簿與歸戶冊覆對務期彼此相合 則始事既清永守無弊矣

一定會計以便戶曉本縣糧額四十三萬八千石有奇內派剩米六千九百石有奇應請截去實存正項起存歲用存畱米共四十三萬一千六十五石有奇今註定三斗田以至三升蕩共派去糧一萬六千八百八十八石有奇仍存糧四十一萬四千一百八十石有奇科田一萬一千四百八十五頃六十四畝九分四釐每畝止該編糧三斗六升六勺六撮九圭卽足起運歲用存畱之數矣

內減荒田四百三十三頃二畝緩徵銀三千四百九十二兩有奇仍應編入未限 另編兵役銀一萬五千八百四十三兩科田每畝該加

銀一分三釐二毫斗則田每糧一斗該加編銀三釐五毫二絲六微如此則本色

吳江縣志

卷四十四

均田蕩賦役

四十四

折色之數旣分正編另編之歟不淆計糧則國家未嘗有分毫之虧計畝則百姓受一升有餘之減幸上憲定入會計刊冊廣布俾家喻戶曉則百姓不復爲姦胥猾吏所愚實受寬恤之恩於無窮矣

大清順治十四年知縣雷珽采鄉紳孫志儒生員王文沈自復等條議做浙嘉興湖州屬縣明季成法均圖均役五十日書成其申文要語已節錄徭役篇至糧里沈昌等呈請均扇詞爲申文所未及茲復錄之略曰本縣八十四扇有大小之分大者管十餘圖小者兩三圖若均圖而不均扇則糧里名下夫船豆料等費仍有偏枯卽倉夫脚夫奉公差遣者工食同而勞逸不同亦仍有不均之歎乞將現圖均派各扇大約每扇六圖有奇則諸役照圖公派勞費無不均矣珽每扇均定六圖餘三圖派入併扇實用其說

均圖均役書成邑士民徐振英等陳便民十利請勒石縣前永行其略曰一圖每年約費三百金將小圖裁併五十每年約省一萬五千金便民者一花分詭寄積

弊難除今自優免外無田不役使無可躲避便民者二扇書每年推收借稅銀爲名多派三千餘金而漏稅受賄不可勝數今圖均額定無從多派便民者三圖有大小則田可增減戶書扇書每圖飛田八畝洒派各甲完糧今圖定額二千無處可增飛田弊絕便民者四大兵不時經臨夫船馬草米豆等不分圖之大小一例承辦力多不堪圖均則苦樂同受無偏枯之歎便民者五圖無大小則各圖錢糧畫一完欠易辨徵比無弊便民者六紳衿田畝混併甲內拖欠難查今列出官戶庠戶頑順易明不累小戶便民者七每年審役貧者身充富者營脫爭訟不已圖均則審役無煩便民者八旗軍向賄糧書揀派富圖每百石索銀二兩頗爲民害圖均則受賄揀派之弊絕便民者九姦保挨認排年多收田畝包攬錢糧歷年拖欠希圖恩赦遺累納戶圖均則包攬之弊絕便民者十

雍正四年分縣時知縣徐永祐創版圖法以清田糧始雷珽均田均役民皆便之其後百弊叢生每屆五年推收積蠹保戶據爲利藪或將零星田蕩輾轉推飛并

吳江縣志

卷四十四 均田蕩賦役

四十五

於一處名爲均圖子戶無處根查錢糧每多掛欠或更環收弔揜一田兩賦訟端不息蒙害匪輕故永祐從諸生金起人等議廢均田均役之舊而行版圖以戶歸田以田歸坵以坵歸圩以圩歸圖於是田蕩皆有著落錢糧亦徹底澄清焉

卷之四十五

積貯

吳江縣之積貯在宋以田之斷没人官者爲常平田又官買民田爲社倉田竝每畝起租一石五斗下者二斗

本莫志版籍篇下同

其田數無考

按宋史食貨志乾德初詔諸州於各縣置義倉蘇州盧志云宋景德三年初立常平倉於兩浙而舊志竝無所載蓋縣在乾德間屬錢氏未必奉行景德中或未及建倉或遺址久湮莫考也

元設常平田每畝起科三斗五升其田數無考

按元史至元六年令鄉社立義倉社置一倉以社長主之豐年每親丁納粟五